

## Universitätsbibliothek Paderborn

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

Quòd Iudaeos Imperator ad sacrificandum hortabatur, & de extremo  
Hierosolymorum excidio. Cap. XVII.

**urn:nbn:de:hbz:466:1-12704**

## SOCRATIS HISTOR.

stituit eadem tormentorum genera Christianis infligere, quæ iam pridem Diocletianus illis inflixisset. Verum cum ob expeditionem contra Persas suscepit tempus ad illud institutum minimè ipsi suppeteret, dat mandatum Salustio prouinciae praefecto, ut eos qui illorum psalmorum canendorum authores fuissent, ad supplicia rapiendos curaret. Praefectus verò tametsi erat religione gentilis, mandatum tamen illud exequendum inuito animo suscepit. Verum cū refragari nō posset, complureis Christianos comprehēdi, ac nonnullos eorum in carcerem concludi iubet. Vnum autē Adolescentulum Theodorum nomine ad eum à gentibus adductum, varijs tormentis suppliciisq; cruciari, totumq; illius corpus dilacerari mandat: illumque iam tum tormétis eximi, cum non amplius in vita mansurum arbitraretur. Verum Deus illum in integrum restituit. Nam post illam fideli in tormétis confessionem, ad longinquū téporis spatii vitam propagauit. Ruffinus qui latino sermone ecclesiastical scripsit historiam, memorat se cū hoc Theodoro lōgo tempore post, collocutum esse, eumq; que rogassem, an non cum verberibus cæsus, tormentisque afflictus esset, maximum sensisset dolorem. Illum respondisse non multum acerbitas ex tormentis sibi accidisse: quendamq; ei astitisse adolescentulum, & sudorem, qui ex ea conflictatione exoriebatur, absteruisse: animum confirmasse: ipsumq; tempus quo cruciabatur, voluptati potius, quam angori fuisse. Atque de Theodoro, adolescente cum primis admirando ista dicta sint. Per idem tempus Persarum legati ad Imperatorem aduerauerant postulatum, ut bellum palam indiceret, denūciaretq;. Ille eos remisit, hæc solū locutus: me ipsum breui videbitis, & pperea legatos hac de re ad vos mittere nō est op'.

*Quod Iudeos Imperator ad sacrificandum bortabatur, & de extremo Hierosolymorum excidio.*

## CAP. XVII.

**P**orrò autem, dum Christianos alio quodam modo diuexare contenderet, suam ipsius superstitionem quasi in oculis omnium ad intuendum defixit. Nam cum sacrificiis maestandis admodum delectaretur, non solum ipse ex eiusmodi sanguinis effusione cepit voluptatē, sed alijs si idem

si idem ipsum non efficerent, multam irrogauit. At quoniam paucos admodum id genus homines repetiebat, Iudeos accersere, eosque sciscitari cœpit, quid erat causæ, cur cum lex Mosaica eos sacrificare iuberet, à sacrificijs mactandis abstinerent. Cumque illi respondissent, non illis integrum esse potestatem huius obeundi munera alio loco quam Hierosolimis, præcepit ut absque mora templum Salomonis de integro construeretur. Qua re confecta, ad Persas ipse profectus est. Iudæi autem qui oportuniū tempus sibi dari iam diu exoptassent, in quo templum ipsis ad sacrificandum ædificaretur, tum ad illud opus maturandum omni cura & cogitatione incubere: tum Christianis terrorem incutere, tum contra illos se insolenter efferre, tum denique minari cœperunt, se non minor illis incomoda illaturos, quamquam quæ ipsis olim à Romanis accidissent, Vbi vero Imperatoris mandato impensè ad ea erant à publico ærario suppeditatae, omnia parabantur: ut ligna, lapides, lateres cocti, argilla, calx, aliaque ad ædificium necessaria. Quo quidem tempore Cyrillo Hierosolymorum episcopo, illud Danielis prophete, quod etiā Christus in sanctis euangeliis confirmasset, multisque prædixisset, venit in mentem iam tempus aduentus, quo lapis super lapidem non maneret in templo, sed oraculum seruatoris penitus explereetur. Quæcum episcopus dixisset, noctu ingens terræ motus excitatus, lapides veterum templi fundamentorum concussum, omnesque una cum ædificijs in proximo sitis disturbauit. Ex qua re horror & formido Iudeos occupauit: famaque eius etiam illos, quorum domicilia inde longo interuallo distabant, ad locum contemplandum attraxit? Itaque cum quæ plurimi adessent, aliud prodigium contigit: ignis namque cælitus demissus, omnia opificum instrumenta absumpserat. Etenim licebat videre malleos, scalpra, ferras, secures, ascias, denique omnia, quæ opifices habebant ad opus perficiendum idonea, flammæ incendio vastata. Totum diem ignis istas res depastus est. Iudæi igitur grauissimo timore perculsi, etiam inuiti Christum Deum confessi sunt, non tamen eius voluntati gesserunt morem, sed opinione Iudaismi ipsorum mentibus anteacepta omnino tenebantur astricti.

## SOCRATIS HISTOR.

astricti. Nam tertium miraculum, quod post editum fuit, neutquam illos ad fidem veritatis adduxit. Nocte enim sequenti effigies crucis radiorum lumine figuratae, illorum vestimentis tanquam impressæ videbantur, quas cum dies illucesceret, contemplantes, & eluere delereque; cupientes, nullo modo poterant. Quare obsecrati, ut est apud Apost. bonum, quod erat illis in manibus abiecere. Proinde templum, eo tempore, pro ædificatione, maximam ruinam passum est.

### *De Imperatoris in Persidem profectio[n]e, & eiusdem c[on]cede. C.A.P. XVIII.*

**I**mperator quoniam acceperat Persarum gentem tempore hyberno tu corporis viribus maximè imbecillā, tu animo abiectissimo esse (nam quia frigoris impatientes sint, eo tempore à bello abstinent. Imo Medus, ut est in proverbio, hyeme ne manū quidem extra pallitum ponere audet) cum etiam exploratū haberet Romanos hyeme in bello gerendo plurimum posse, paulò ante ver in Persidem inuadere, inq; eā regionē exercitū ducere cœpit. Itaq; primū agros, viros, castellaq; populari: deinde vrbes occupare. Ac Ctesiphontē vrbē Persidis potentissimam obsidione cingens, adeo veherenter regē Persarum in ea oppugnare, ut crebros ad ipsum mitteret legatos, eiq; supplicaret, vti eū parte aliqua patriæ multaret, belloq; restincto discederet. Julianus neque commotus est animo, neq; supplices miseratus: Imo ne illud quidem, quod in proverbij abijt consuetudinem, vincere, præclarum esse, at supra modum vincere inuidiosum, in memoriam reuocare voluit: sed diuinationum cōiecturis, quas Maximus philosophus, qui cum eo versabatur, illi suggestisset confisus, & inanibus somniorum visis persuasus, se Alexandri gloriam suis rebus gestis vel exæquaturum, vel potius superaturum, supplicum Persarum postulata reiecit: putauitque secundum Pythagoræ Platonisq; opinionem, ex migratione animorum ab uno corpore, in alterum, animū Alexandri in ipsius corpus immigrasse: imò verò, se in altero corpore ipsum Alexandrum esse. Quæ quidem opinio illum in grauem induxit errorem, effecitque ut regis Persarum petitionem repudiaret. Rex igitur, cum intelligere